

Niene geits so schön und luschtig, wie bis üs im Bluemefäld



Melodie: Volkslied „Niene geits so schön und luschtig...“

Text: Bewohnende, anlässlich Neujahrsapéro 2019

Niene geits so schön und luschtig wie bis üs im Bluemefäld
Da gits allergattig ruschtig, wämer usgönd übers Fäld.
Holiduia holi duia duia ho
Holiduia holi jooooooooo....

Vo dem ganze Unternähme isch der Oser Max dä Leiter
Dank ihm isches zwüschedure immer wieder froh und heiter.
Holiduia holi duia duia ho
Holiduia holi jooooooooo....

S'Pflegepersonal isch fründlich, s'pflägt üs guet und duscht üs gründlich
Zwüsched drin isch es nöd eifach, nerve bruchts dänn halt mal zweifach
Holiduia holi duia duia ho
Holiduia holi jooooooooo....

Versait mal s'Färnseh oder ds Radio heb kei Angscht lo dä Technisch Diensch cho
Dä Technisch Dienst abpropos Närke, holed mier us dä Reserve
Holiduia holi duia duia ho
Holiduia holi jooooooooo....

D'Aktivierig nimmt üs i d'Hüpple, das mir s'Hirni toll tue schüttle
Kreativ isch so äs Thema, das gaht halt mal nöd nach Schema
Holiduia holi duia duia ho
Holiduia holi jooooooooo....

D'Wöscherei isch nöd z'vergässe sisch nöd alls agnehm zum wäsche
Sueched socke, chürze Hose, da häts kei Platz für mimose
Holiduia holi duia duia ho
Holiduia holi jooooooooo....

BLUMENFELD

Wohnen | Pflege | Betreuung

Ohni Putzmannschaft gaht gar nüt, überall häts gschäftigi Lüt.
Böde schrubbe, böde fäge, bi sunneschi und au bi räge
Holiduia holi duia duia ho
Holiduia holi jooooooooo....

Im Büro gits ganz viel zum Schaffe, will's ja mängi Rächning mached
Am Schalter hälfed sie ganz flissig, au wänn s gschäft mal isch ganz gnietig
Holiduia holi duia duia ho
Holiduia holi jooooooooo....

Ir Chuchi macheds vili Dessert und au susch ganz feini Sache
Mängisch isch dä Chuechebode halt mal zwenig lang bache
Holiduia holi duia duia ho
Holiduia holi jooooooooo....

Mer göhnd is Reschti go Chueche ässe
Wenn du s' Fränkli nöd hesch vergässe
Holiduia holi duia duia ho
Holiduia holi jooooooooo....

Bluemefälder sind guet ufghobe, händ en schöne Läbesobe
Mir hoffe es sig niemer vergässe worde , bi däm Hit mit so viel Strophe
Drum säge mir jetz äs guets Neus, allen andre und au eus
Holiduia holi duia duia ho
Holiduia holi jooooooooo....

